

Ո Ր Ո Շ ՈՒ Մ N 625/1
վարչական տույժ նշանակելու մասին

«25» մայիսի 2021թ.

ք. Երևան

Հայաստանի Հանրապետության պետական եկամուտների կոմիտեի Արարատյան մաքսատուն-վարչության պետ Կարեն Բաբայանս, քննելով Արմեն Գրիգորյանի (անձնագիր AT 0261462 հասցեն՝ ՀՀ, ք. Երևան, Դավիթաշեն 2 թաղ., 126մ/մ) նկատմամբ հարուցված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

Արմեն Գրիգորյանի անվամբ թիվ 05100010/110521/0000000788 ուղևորային մաքսային հայտարարագրով ձևակերպվել են անձնական օգտագործման համար օգտագործված 19 կգ ընդհանուր քաշով ապրանքներ:

ՀՀ ՊԵԿ Արարատյան մաքսատուն-վարչության բացթողնման բաժնի գլխավոր մաքսային տեսուչի կողմից 11.05.2021թ. կազմված մաքսային զննման (տեսազննման) թիվ 248 ակտի համաձայն՝ Արմեն Գրիգորյանի անվամբ թիվ 05100010/110521/0000000788 ուղևորային մաքսային հայտարարագրով հայտարարագրված ապրանքների զննման արդյունքում պարզվել է, որ անձնական օգտագործման օգտագործված իրերը 1 տեղ 19 կգ ընդհանուր քաշերով ապրանքների ծագման երկիրը Թուրքիա: Բեռում առկա է ՀՀ կառավարության 20.10.2020 թվականի թիվ 1708-Ն որոշմամբ սահմանված ներմուծումն արգելված ապրանքներ:

ՀՀ ՊԵԿ Արարատյան մաքսատուն-վարչության բացթողնման բաժնի գլխավոր մաքսային տեսուչի կողմից 11.05.2021թ. Արմեն Գրիգորյանի նկատմամբ կազմվել է մաքսային կանոնների խախտման վերաբերյալ արձանագրություն՝ ՀՀ մաքսային օրենսգրքի 203-րդ հոդվածի հատկանիշներով, իսկ թիվ 05100010/110521/0000000788 ուղևորային մաքսային հայտարարագրով ձևակերպված բեռի բացթողումը մերժվել է:

Մաքսային կանոնների խախտման վերաբերյալ գործի քննությունը նշանակվել է 25.05.2021թ. ժամը 11:00-ին, ինչի անցկացման վայրի և ժամանակի մասին պատշաճ կարգով ծանուցվել է Արմեն Գրիգորյանը, սակայն չի ներկայացել:

Նյութերի ուսումնասիրությունից պարզվել է, որ Արմեն Գրիգորյանի անվամբ թիվ 05100010/110521/0000000788 ուղևորային մաքսային հայտարարագրով ձևակերպվել են անձնական օգտագործման ապրանքներ, սակայն ապրանքների ծագման երկիրը Թուրքիայի փոխարեն նշվել է Չինաստան, այսինքն հայտարարագիրը ներկայացվել է ոչ ճշգրիտ տեղեկություններով:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են ամառաստանատվության:

ՀՀ մաքսային օրենսգրքի 203-րդ հոդվածի 1-ին մասի համաձայն՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը՝ որի արդյունքում չի առաջանում մաքսային վճարների (բացառությամբ մաքսավճարի) պակաս հաշվարկում կամ չհաշվարկում, ինչպես նաև ոչ սակագնային կարգավորման միջոցների չկիրառում՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ 50 հազար դրամի չափով:

Այսպիսով, Արմեն Գրիգորյանը թույլ է տվել ՀՀ մաքսային օրենսգրքի 203-րդ հոդվածի 1-ին մասով նախատեսված մաքսային կանոնների խախտում՝ հայտարարագրման ժամանակ ոչ ճշգրիտ տեղեկություններ նշելով, որի հետևանքով չի առաջացել մաքսային վճարների պակաս հաշվարկում կամ չհաշվարկում, ինչպես նաև ոչ սակագնային կարգավորման միջոցների չկիրառում:

Ելնելով վերոգրյալից և ղեկավարվելով ՀՀ մաքսային օրենսգրքի 221-րդ, Վարչական իրավախախտումների վերաբերյալ ՀՀ օրենսգրքի 214-րդ և 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 203-րդ հոդվածի 1-ին մասով նախատեսված մաքսային կանոնների խախտում կատարելու համար Արմեն Գրիգորյանին ենթարկել վարչական պատասխանատվության՝ տուգանելով **50,000 ՀՀ դրամի** չափով:
2. Որոշման մասին հայտնել Արմեն Գրիգորյանին՝ պարզաբանելով, որ ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն նույն օրենսգրքի 222-րդ հոդվածի 2-րդ մասի՝ որոշումը կարող է բողոքարկվել վերադաս մաքսային մարմին (պաշտոնատար անձին) կայացնելուց հետո 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:
3. Որոշմամբ նշանակված տուգանքի վճարման հաշվեհամարն է **900005024055-ը (ՀՀ պետական բյուջե, կենտրոնական գանձապետարան, Արարատյան մաքսատուն-վարչություն, ԿՈԴ 27):**

ԱՐԱՐԱՏՅԱՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏ



ԿԱՐԵՆ ԲԱԲԱՅԱՆ